



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ლორთქიფანიძე ბეჟან ვლადიმერის ძე



ბ. ლორთქიფანიძე

ლორთქიფანიძე ბეჟან ვლადიმერის ძე [22.V (4.VI). 1908, თბილისი, - 9. I. 1969, იქვე], არქიტექტორი. დაამთავრა საქართვე. სამშ. ინ-ტის არქიტ. ფაკ-ტი (1932). იყო II მსოფლიო ომის (1939-45) მონაწილე. დააგეგმარა ჩაის საბჭ. მეურნეობების მუშათა დაბები და აზოტ-ტუკის კომბინატის დაბა (ქუთაისი) (1935-36); იყო ბათუმისა (1937) და გორის (1950) გენ. პროექტების ერთ-ერთი ავტორი; საქართვე. არქიტ. კავშირის ერთ-ერთი დამაარსებელი (1934) და მისი თავ-რე (1955-58). ეწეოდა პედ. მოღვაწეობას თავდაპირველად საქართვე. ინდუსტრიული ინ-ტის არქიტ.

კათედრაზე (1932-38), შემდეგ - თბილ. სახელმწ. სამხატვრო აკადემიაში. იყო უცხოეთთან კულტურული თანამშრომლობისა და მეგობრობის საქართვე. საზ-ბისა (1948-49) და საქართვე. მინისტრთა საბჭოსთან არსებული არქიტ. საქმეთა სამმართველოს თავ-რის მოადგილე, შემდეგ თავ-რე (1949-55). 1956-58 მუშაობდა საქართვე. მშენებლობისა და არქიტ. საქმეთა სახელმწ. კომიტეტის თავ-რის მოადგილედ, ხოლო 1958-63 - კომიტეტის („სახმშენი“) თავ-რედ; 1963-იდან გარდაცვალებამდე იყო თბილ. ზონალური სამეცნ.-კვლ. და ტიპობრივი დაპროექტების ექსპერ. ინ-ტის („თბილზნიიეპი“) დირექტორი.

დაკრძალულია მწერალთა და საზ. მოღვაწეთა დიდუბის პანთეონში.
